



册府元龜
卷之二百七十六
至七十九



13
849
92



門 4 8
849
92



冊府元龜

淮南李嗣京參閱

西極文翔鳳訂正

豫章黃國琦較釋

宗室部

十五

褒寵二

宋長沙景王道憐高祖中弟永初二年朝正入住殿
省三年高祖不豫加班劔三十人六月薨追贈太傅
持節侍中都督刺史如故祭禮依晉太宰安平王故
事鸞輅九旒黃屋左纛輜輶挽歌二部前後部羽葆

鼓吹虎賁班劍百人

長沙成王義欣景王道憐子元嘉七年遷使持節監豫司雍并四州諸軍事征虜將軍如故給鼓吹一部十一年夏入太廟太祖厚加恩禮

臨川烈武王道規高祖少弟晉義熙末位至荊州刺史征西將軍高祖受命贈大司馬追封臨川王文帝少爲道規所養後文帝還本以長沙王子義慶嗣慶爲荊州廟主當隨任江陵文帝下詔褒美勲德及慈蔭之重曰褒道崇德經國之盛典尊親追遠因心之所隆故侍中大司馬臨川烈武王体道欽明至德淵

邈睿哲白天孝友光脩爰始協規則翼贊景業陵威致討則尅翦梟鯨逮妖逆交侵方難孔棘勢踰累棊人無固志武王神謨獨運靈武宏發輯寧內外誅覆群凶故已化被江漢勲高微管遠猷侔於二南英雅邁於兩獻矣朕幼蒙殊愛德廕特隆豐恩慈訓義深情戚未惟仁範感慕纏懷今當擁移寢祐初祀西夏恩崇嘉禮式脩徽章庶以昭宣風度允副幽顯其追崇丞相加殊禮鸞輅九旒黃屋左纛給節鉞前後部羽葆鼓吹虎賁班劍百人侍中如故及長沙太妃檀氏臨川太妃曹氏後薨祭皆給鸞輅九旒黃屋左纛

輜輶車挽歌二部前後部羽葆鼓吹虎賁班劍百人
江夏文獻王義恭高祖之子高祖特所鍾愛諸子莫
及元嘉十七年徵爲侍中司徒錄尚書事給班劍二
十人置兵加使二十一年進位太尉領司徒相府年
給錢二千萬他物稱此而義恭性奢用嘗不足太祖
又別給錢年千萬二十六年領國子祭酒時有獻五
百里馬者以賜義恭二十七年出鎮彭城二十九年
冬還朝帝以御乘蒼鸞船上迎之元凶弑逆義恭上
表勸進世祖踐祚特授使持節侍中都督揚南徐三
州諸軍事太尉錄尚書六條事揚南徐二州刺史給

鼓吹一部班劍二十人又假黃鉞事寧進位太傅領
大司馬增班劍爲三十人以藩所服玉環大綬賜之
增封二千戶孝建元年南郡王義宣臧質魯爽等反
加黃鉞白直百人入六門事平以臧質七百里馬賜
義恭又增封二千戶大明三年省兵佐加領中書監
以崇藝昭武末化三營合四百三十七戶給府更增
吏僮千七百人合爲二千九百人六年解司徒府太
宰司依舊辟召又年給三千匹布撰國史孝武自爲
義恭作傳末光元年八月爲廢帝所害明帝定亂追
崇使持節侍中都督中外諸軍事丞相領太尉中書

監錄尚書事並如故給九旒鸞輅虎賁班劍百人前後部羽葆鼓吹輜輶車又下詔曰皇基崇建屯剝維難弘啓熙載底績忠果故從享世祀勒勳宗彞世祖定亂定業實資翼亮故使持節侍中都督中外諸軍事丞相領太尉中書監錄尚書事江夏文獻王義恭故使持節中都督南豫三州軍事太尉南豫州刺史巴東郡開國忠烈公元景故侍中司空始興郡開國襄公慶之故持節征西將軍雍州刺史洮陽縣開國肅侯愨或体道冲玄變化康世或盡誠致效夷難龕逆宜式遵國典陪祭廟廷

義恭子伯禽孝建三年生元亮作逆義恭諸子皆遇害朝廷哀之至是孝武名之曰伯禽以擬魯公伯禽周公旦之子也

衡陽王義季高祖之子太祖爲荊州高祖使隨往繇是特爲太祖所愛元嘉十六年代臨川王義慶爲荊州給鼓吹一部義季素拙書帝聽使餘人書啓事唯自署名而已義季病篤帝遣中書令徐湛之省疾召還京師未及發薨於彭城時年三十三

彭城王義康高祖之子太祖即位進號驃騎將軍加散騎常侍給鼓吹一部元嘉二年改授都督荆湘等八

州諸軍事給班劍三十人九年太妃薨辭班劍解侍
中十二年復加侍中班劍

南郡王義宣高祖之子世祖即位以爲中書監進號
中軍將軍加散騎常侍給鼓吹一部又都督楊豫二
州丞相錄尚書六條加羽葆鼓吹給班劍四十人

竟陵王誕文帝第六子元嘉二十六年爲會稽太守
加鼓吹一部孝武既平元覽進號驃騎將軍加班劍
二十人

建平王宏文帝第七子也文帝寵愛殊嘗爲立第於
鷄籠山盡山水之美建平國職高他國一階

廬州王禧文帝第八子大明二年爲散騎常侍中書
令領驍騎將軍給鼓吹一部明帝踐祚加侍中中書
監給班劍三十人

桂林王休範文帝第十八子末光初以驃騎大將軍
還爲江州進督越州諸軍事給三望車一乘明帝遺
詔進位司空侍中加班劍三十人

始平王子鸞孝武第八子母殷淑儀寵傾後宮子鸞
愛冠諸子凡爲帝時遇者莫不入子鸞之府國及爲
南徐州又割吳郡以屬之六年以本官兼司徒進號
撫軍司徒給節禮儀並依正公又加都督南徐諸軍

事八年加中書令領司徒
成安王準明帝第三子拜撫軍將軍置佐史元徽二
年進號軍騎將軍都督揚南豫州諸軍事給鼓吹一
部刺史如故四年又進驃騎大將軍號開府儀同三
司班劍三十人都督刺史如故

營浦侯遵考高祖族弟也明帝即位爲侍中特進右
光祿大夫領崇憲太僕給親侍三十人泰始五年賜
几杖太官四時賜珍味疾病太醫給藥固辭几杖
當陽侯秉長沙王道憐孫也爲尚書左僕射叅選元
徽元年領吏部加兵五百人桂楊王休範爲逆中領

軍勳出守石頭秉權兼領將軍所給加兵自隨入殿
南譙王世子恢南郡王義宣子也晉氏過江不置城
門較尉及衛尉官孝武欲重城禁故復置衛尉卿以
恢爲侍中領衛尉衛尉之置自恢始也

南齊豫章王嶷太祖第二子特所鍾愛太祖卽位以
爲都督荆湘等八州諸軍事南蠻較尉荆湘二州刺
史持節侍中將軍開府如故晉宋之際刺史多不領
南蠻別以重人居之至是二府二州荆州資費歲錢
三千萬布萬疋米六萬斛南蠻資費歲錢三千萬布
萬疋絲千斤絹三百疋米千斛近代莫比也尋給油

絡夾望車又給班劍二十人入爲都督楊南徐三州諸軍事中書監司空加兵置佐以前軍臨川王映府文武配司空府世祖即位進位大尉永明二年中詔曰漢之梁孝寵異列藩晉之秦猷秩殊嘗序况乃地侔前准勲兼徃式雖天倫有本而因事增情宜廣田邑用申恩禮增封爲四千戶元嘉世諸王入齋閣得白服郡帽見人主唯出大極四廟乃備朝服自此已來此事一新帝與疑同生持相友睦官中曲宴許依元嘉疑固辭不奉勅唯車駕幸第乃白服烏紗帽侍宴大明八年給皂輪車妃庾氏嘗有疾瘳帝幸後堂

設金石樂宮人畢至每臨幸輒極日盡歡疑疾篤表解職不許賜錢百萬營功德疑又啓曰臣自嬰今患亟降天臨墜降術宮泉開藏府慈寵優渥備極人臣生年疾迫遽陰無幾願陛下審賢與善極壽蒼旻德納和爲億兆御臣命違昌數奄奪恩憐長辭明世伏涕烏咽薨日帝再視疾至薨乃還宮詔曰疑明哲至親勲高業始德懋上朝道光區縣奄至薨逝痛酷抽割不能自勝奈何今便臨哭九命之禮宜備其制歛以充冕之服温明秘器命服一具衣一襲喪事一依漢東平王故事大鴻臚持節護喪事太官朝夕送

奠大司馬太傅二府文書悉停過葬竟陵王子良上
啓曰臣聞春秋所以稱王母弟者以尊其所重故也
是以禮秩殊品爵命崇異在漢則梁王備出警入蹕
之儀在晉則齊王具殊服九命之贈江左以來尊親
是闕故致衮冕之典廢而不傳寔繇人缺其位非禮
虧省齊王故事與今不殊締構王業功迹不異凡有
變革隨時之宜者正緣恩情有輕重德義有厚薄若
事籌前規禮無異則目梁齊闕令終之美猶饗袞贈
之榮况故大司馬仁和著於天性孝弟終於立身節
義表於勤王寬猛彰於御物奉上無艱劬之貌接下

無毀傷之容淡矣止於清貞無喜愠之色悠然棲於
靜默絕馳競之矜詩有云靡不有初鮮克有終夫終
之者理寔爲難在於今行無廢斯德東平樂於小善
河間悅於詩書况勲績無間艱危不涉尚致桌爾不
群英聲萬代况今協贊皇基經綸勦始功業高顯清
譽踰彰富貴隆重蕙縈彌峻等古形今孰類茲美臣
愚忖度未有斯例凡庶族同氣愛睦尚少豈有仰觀
陛下垂友于之性若於此者乎共起布衣俱登天貴
生平游處何事不同分甘均味何珍不等未嘗不觀
貌而天心惟見形而聖儀悅爰及臨危捨命親瞻喘

息萬分之際沒在聖目號哭動乎天地感動驚乎鬼神乃至撤膳移寢坐泣遷祖神儀損耗隔宿改容奉瞻聖顏誰不悲悚歷古所未聞記籍所不載既有若斯之大德寔不可見典服之贈不彰如其脫致虧志追改爲煩不令千載之下物有違限其德不具美者尚荷嘉隆之命况事光先烈者寧可缺茲盛典臣恐有識之人容致其議且庶族近代桓溫庾亮之類亦隆殊命伏度天心已當有在又詔曰寵章所以表德秩禮所以紀功慎終追遠前王之盛策累行疇庸列代之通詔故使持節都督揚南徐二州諸軍事大司

馬領太子太傅揚州刺史新除中書監豫章王疑休道秉哲經仁締義挺清譽於弱齡發韶風於早日締綸霸業之初翼贊皇基之始孝睦著於鄉閭忠諄彰乎邦邑及秉德論道揔收神甸七教必荷木符咸理振風潤雨無踰於時候卹民拯物有篤於矜懷雍容廊廟之華儀刑列郡之觀神凝自遠具瞻允集朕友于之深情兼家國方授以神圖委諸廟勝緝頌九絃陪禪五嶽不憖遺德奄焉薨逝哀痛傷惜震動乎厥心今先遠戒期龜筮襲吉宜加茂典以協徽猷可贈假黃鉞都督中外諸軍事丞相揚州牧綠綬綬具九

服錫命之禮侍中大司馬大傅王如故給九旒鸞輅黃屋左纛虎賁班劍百人輜輶車前後部羽葆鼓吹葬送儀依平王故事

臨川獻王映太祖第三子出爲都督荆湘等九州諸軍府鎮西將軍給鼓吹一部末平二年給油絡車七年薨詔賜東園秘噐朝服一具衣一襲贈司空長沙威王晃太祖第四子世祖即位進號車騎將軍侍中如故給油絡車鼓吹一部末明八年薨賜東園秘噐朝服一具衣一襲卽本號贈開府儀同三司太祖嘗曰此我家任城也世祖緣此意謚曰成

武陵昭王曄太祖第五子母羅氏從太祖在淮陰城罪誅故曄見愛世祖卽位爲丹陽尹嘗侍將軍如故始不復置行事得自親政轉侍中護軍將軍給油絡車又給扶二人世祖遺詔爲衛將軍開府儀同三司給鼓吹一部隆昌元年薨賜東園秘噐朝服贈司空侍中如故給節班劍二十人

鄱陽王鏘太祖第七子鏘和悌美令有寵於世祖末明十一年爲領軍將軍領軍之授齊室諸王所未爲車駕遊幸嘗甲仗衛從恩待次豫章王疑其年給油絡車隆昌元年俄遷侍中驃騎將軍開府儀同三司

領兵置佐

桂陽王鑠太祖第八子性清羸有冷疾嘗枕卧世祖臨視賜床帳衾褥

始興簡王鑑太祖第十子末明九年進爲散騎嘗侍領石頭戍事世祖以與鑑久別車駕幸石頭宴會賞賜

竟陵王子良武帝第二子建元二年爲丹陽尹制東宮官僚以下致敬子良永明元年徙爲侍中都督南兗徐青冀五州征北將軍南兗州刺史持節如故給油絡車明年入爲護軍將軍兼司徒領兵置佐侍中

如故鎮西州三年給鼓吹一部四年進號車騎將軍五年進位司徒給班劍二十人至八年給與三望車欽林及郎位進位大傳增班劍三十人隆昌元年加殊禮劍履上殿入朝不趨贊拜不名其年薨鬱林嘗慮子良有異志及薨甚悅詔給東園溫明秘器歛以袞冕之服東府施喪位大鴻臚持節監護大官朝夕送祭又遣追崇假黃鉞侍中都督中外諸軍事太宰領大將軍揚州牧綠綬綬綬九服錫命之禮使持節中書監王如故給九旒鸞輅黃屋左纛輜輶車前後部羽葆鼓吹挽歌虎賁班劍百人葬禮依晉安平王

孚故事
晉安王子懋武帝第七子末明十一年爲使持節都督齊梁等四州二郡諸軍事征北將軍雍州刺史給鼓吹一部豫章王喪服未畢帝以邊州須威望許得奏之

隋郡王子隆武帝第八子帝以子隆能屬文謂王儉曰我家東阿重出寔爲皇家藩屏末明八年爲使持節六州諸軍事荊州刺史給鼓吹一部

南康王子琳武帝子以母寵故最見愛太尉王儉因請婚武帝悅而許之郡臣奉寶物名好畫直數百金

武帝爲之報荅如此及應封而好郡已盡乃以宣城封之既而以宣城屬揚州不欲爲王國改封南康公褚齊爲巴東公以南康爲王國封子琳

新吳侯景先太祖從子也武帝即位爲侍中領左軍將軍尋蕪領軍將軍景先事帝盡心故恩寵特密初西還帝坐景陽樓召景先語故舊惟豫章王一人在席而已轉中領軍車駕射雉郊外行游景先嘗甲仗坐廡察左右末明五年爲征虜將軍丹陽尹摠率步騎屯義陽遇疾卒帝傷惜之詔曰西信適至景先奄至喪逝悲懷切割不能自勝今便舉哀贖錢十萬布

二百疋景先喪還詔曰新吳侯景先器懷開亮幹局通敏綢繆少長義兼勲戚誠著夷險績茂所司方升寵榮用伸任寄奄至喪逝悲痛良深贈侍中征北將軍南徐州刺史給鼓吹一部假節鈇侯如故謚曰忠侯

南豐伯赤斧太祖從祖弟也世祖親遇與蕭景先相比及卒無儲積無絹爲衾帝聞之愈恻惜詔賻錢五萬上材一具布百疋蠟二百斤追贈金紫光祿大夫謚曰懿伯子穎胄起家秘書郎太祖謂赤斧曰穎胄輕肥被身覺其進轉羨足慰人意遭父喪感脚疾數

年然後能行世祖有詔慰勉賜醫藥穎胄好文第穎基好武世祖登烽火樓詔賦詩合旨帝曰卿文第武宗室便不乏才明帝廢立賜穎胄嘗所乘白犢牛中興元年爲侍中尚書令監八州軍事行荊州刺史及卒和帝出臨詔賜侍中丞相本官如故前後部羽葆鼓吹班劍三十人輜輶車黃屋左纛

曲江縣公遙光太祖兄衡陽元王道度子明帝初即位誅賞諸事唯遙光共謀議建武二年進號撫軍將軍加散騎常侍給通幟車鼓吹後加侍中中書令給仗末元元年給班劍二十人卽本號開府儀同三司

豐城縣公暹昌暹光弟也建武中官至征虜將軍豫州刺史末泰元年卒帝愛暹昌兄弟如子甚痛惜之贈車騎將軍儀同三司帝以問徐孝嗣孝嗣曰豐城本資尚輕贈以班台如爲小過帝曰卿乃欲存萬代準則此我孤兄弟子不得與計

南郡王昭業文惠太子長子末明七年有司奏給班劍二十人鼓吹一部高選友學十一年給皂輪三望車詔高選國官

巴陵王寶義明帝長子爲南徐州刺史東昏即位進征北大將軍開府儀同三司給使末元元年給班劍

二十人

梁長沙王業武帝長兄懿之子也仕齊至侍中尚書令征虜將軍爲東昏侯所害和帝中興元年追贈侍中中書監司徒太后臨朝改贈太傅天監元年追崇丞相王爵給九旒鸞輅輶車黃屋左纛前後部羽葆鼓吹挽歌二部武賁班劍百人一依晉安平王故事

臨川靖惠王宏太祖第六子天監元年爲後軍將軍揚州刺史又給鼓吹一部七年三月以疾累表自陳詔許改揚州餘如故四月薨自疾至於薨輿駕七出

臨視及葬詔曰侍中大尉臨川王宏器宇冲貴雅量
弘通爰初弱齡行彰素履逮于應務嘉猷載緝自皇
葉起基地惟介第久司神甸歷位台階論道登朝物
無異議朕友于之至家國兼情方弘燮贊儀刑列辟
天不憖遺奄焉弗求哀痛抽切震動于厥心宜增峻
禮秩式昭懋典可贈侍中大將軍揚州牧假黃鉞王
如故并給羽葆鼓吹一部增班劍爲六十人給温明
秘器歛以袞服

安成康王秀太祖第七子天監五年以右將軍加領
軍中書令給鼓吹一部十六年爲雍州刺史寧蠻較尉

十七年薨高祖聞之甚痛惜遣皇子南康王績緣道
迎候

南平元襄王偉太祖第八子齊和帝以爲雍州刺史
寧蠻較尉天監元年進督荆寧二州俄給鼓吹一部
十三年改爲左光祿大夫加親信四十人歲給米萬
斛布絹五千匹藥直三百四十萬厨供月二十萬并
二衛兩營雜役二百人先置防閣白直左右職局一
百人偉末年疾浸劇不復出藩故俸秩加焉大通四
年遷中書令大司馬五年薨詔歛以袞冕給東園秘
器又詔曰矜德紀功前王令典慎終追遠列代通規

故加侍中中書令及大司徒南平王偉器宇宏曠監
識弘簡爰在弱齡清風載穆翼佐草昧勲高樊沔契
濶艱難劬勞任寄及贊務論道弘茲袞職奄焉薨逝
朕用震慟于厥心宜降寵命式昭茂典可贈侍中大
宰王如故給羽葆鼓吹一部并班劍四十人

鄱陽忠烈王恢太祖第九子天監十一年爲平西將
軍雍州刺史給鼓吹一部七年爲荊州刺史進號驃騎
大將軍普通七年九月薨于州詔曰故使持節散騎
常侍都督荆湘雍涼益寧南北秦八州諸軍事驃騎
大將軍開府儀同三司荊州刺史鄱陽王恢風度開

朗器清凝質爰在弱歲美譽克宣泊于從政嘉猷載
緝方入政論道弘變台階奄焉薨逝朕用傷悼于厥
心宜隆寵命以申朝典可贈侍中護喪事以金車
始興忠武王憺太祖第十子天監初爲平西將軍荆
州刺史三年加鼓吹一部十四年遷鎮右將軍荊州
刺史十八年徵爲侍中中撫將軍開府儀同二司領
軍將軍普通三年十一月薨追贈侍中司徒驃騎將
軍給班劍三十人羽葆鼓吹一部册曰咨故侍中司
徒驃騎將軍始興王夫忠爲令德武謂止戈于以用
之載在前志王有佐命之元勲利人之厚德契濶二

紀終始不渝是用方軌往賢稽擇故訓鴻名美號允
 臻其極今遣大鴻臚程爽謚曰忠武魂而有靈歆茲
 顯號嗚呼哀哉人臣將進必一始無曰咨對於中
 西昌侯藻長沙王懿之子大通三年為中將軍太子
 詹事出為丹陽尹高祖每嘆曰子弟並如迦葉吾復
 何憂迦葉者藻之小名也十四年
 吳平侯景高祖從父弟天監初為冠軍將軍南兗州
 刺史詔景母毛為國太夫人禮如王國大妃假金章
 紫綬十三年又徵為鎮軍將軍直殿省知十州損益
 事月加祿五萬十九年為安西將軍郢州刺史將行

辛建興苑餞別為之流涕給鼓吹一部

廬陵威王績高祖第五子中大通二年為雍州刺史

南蠻較尉平北將軍給鼓吹一部

邵陵雋王綸高祖第六子普通七年拜侍中大通元

年加信威將軍置佐史

武陵王紀高祖第八子授揚州刺史中書詔成武帝

加四句曰貞白儉素是其清也臨財能讓是其廉也

知法不犯是其慎也庶事無留是其勤也紀特為帝

所愛

南郡王大連簡文帝大同十年高祖幸朱方與兄大

臨並從高祖各給馬試之俱得馳驟之節高祖大悅
他日謂太宗曰昨見大臨大連風韻可愛足以慰吾
老年不以其幼其幼也
忠壯世子方等元帝長子也征河東王溺死世祖後
追思其才贈侍中中軍將軍揚州刺史為招魂以哀
之
陳末脩侯擬高祖疎屬也文帝即位為冊陽尹天嘉
元年卒贈領軍將軍凶事所須並官資給二年配饗
高祖廟廷
且黃侯惠紀高祖之從孫也至德二年遷雲麾將軍

荊州刺史賜女妓一部

南康愍王曇朗高祖母弟忠壯王休先子也休先為
質於齊為齊所害時與齊絕尚弟之知高祖踐祚以
曇朗襲封南康郡王奉忠壯王祀禮秩一同皇子天
嘉二年齊人結好方始知之世祖詔曰夫追遠慎終
抑聞前誥南康王曇朗明哲懋親藩維是屬入質北
齊用紆時難皇運肇興未獲旋反未言跋望日夜不
忘齊使始至函問奄出追懷痛悼兼倍嘗情宜隆寵
數以光嘗序可贈侍中安東將軍開府儀同三司南
徐州刺史謚曰愍

衡陽猷王昌高祖第六子荊州陷與高祖俱遷閔右
天嘉元年乃得還百寮上表曰扞城之寄匪親勿屈
宜啓服衡疑兼崇徽飾臣等參議請以爲散騎掌侍
都督湘州諸軍事驃騎將軍湘州刺史衡陽郡王加
給皂輪三望車後部鼓吹一部班劔二十人啓可奉
行三月入境詔令中書舍人緣道迎接丙子濟江干
中流船壞以溺薨柩至京師上親出臨哭乃下詔曰
夫寵章所以嘉德禮數所以崇親乃歷代之通規固
前王之令典新除使持節散騎掌侍都督湘州諸軍
事驃騎將軍湘州牧衡陽王昌明哲在躬挂障早秀

孝敬內湛聰睿外宣梁季艱虞宗社顛墜西京淪覆
陷身關隴及鼎業初基外藩逆命聘問斯阻音信莫
通睠彼機橋將憐烏白今者群公戮力多難克濟輕
傳入邪無勞假道周朝敦其繼好駿駕歸來欣此朝
聞庶歡昏定報施徒語魯莫輔仁人之云亡於碎斯
在奄焉薨殞倍增傷悼津門之慟空在掌岫之竊不
追靜言念之心焉如割宜隆懋典以協徽猷可贈侍
中假黃鉞都督中外諸軍事太宰楊州牧給束園溫
明秘噐九旒鑿輅黃屋左纛武賁班劔百人輜輶車
前後部羽葆鼓吹葬送之儀一依漢東平猷王齊豫

章文獻王故事仍遣大司空持節迎護喪事大鴻臚副其羽衛殯送所須隨繇備辦始興王伯茂文帝第三子帝纂位詔封始興王以奉昭烈王道談嗣時舊制諸王受封未加戎號者不置佐吏於是尚書八座奏曰夫增崇徽號飾表車服所以闡彰厥德下變民望第二皇子新除始興王伯茂体自尊極神姿明穎玉映騰辰蘭芬綺歲清暉美譽日茂月昇道鬱平河聲超袞植皇情追感聖性天深以本宗闕緒纂承藩嗣雖珪社是膺而戎章未襲豈所以光崇睿哲寵樹皇枝臣等參議宜加寧遠將軍置佐吏詔曰可以太子母弟深愛之征北軍人盜發晉郟曇墓大獲晉右將軍王羲之書及諸名賢遺亦文帝以伯茂好古多以賜之

鄱陽王伯山文帝第三子帝深器之高祖時天下草創諸王受封儀注多闕及伯山受封帝欲重其事天嘉元年七月八座奏封伯山乃遣持節兼太宰蕭睿告于太宰王質告于大社十月帝臨軒冊命策訖令王公以下讌于王第

宗室部
章文獻王故事假遣大司空持節迎護長子大將軍
副其將衛送亦須隨歸倫新
王公以千歲下玉策
二十帝親臨王會吉于大封十日帝親臨冊命策書令
誥使承其八聖奏持冊山氏豈昔漢東人幸蕭蕭
除謂王受持冊去冬開又由山受持冊於重其專天
帝親到山文帝策三千帝親冊之高師師天可草
文帝以冊於我古冬以顯之
晉祿墨墓大藝晉亦冊單王羨之書又謂晉賀豐亦
晉封史臨曰石以太子母梁為愛之耳其軍入益幾

冊府元龜

淮南李嗣京參閱

西極文翔鳳訂正

豫章黃國琦較釋

宗室部
中山王褒寵三王傳
後魏陳留桓王虔昭成帝孫也武力絕倫與慕容垂
戰沒道武追惜傷慟者數焉配享廟庭封其子悅為
末提王悅外和內狠道武以桓王死王事特加親寵
秦明王翰子儀道武之孫為左丞相從征討有功太

武之初育也道武喜夜召儀入曰卿開夜喚乃不恠
懼乎儀曰恠則有之懼寔無也帝告以太武生因賜
儀御馬御帶縑錦等道武以儀器望待之尤重數幸
其第如家人禮

中山王纂秦明王翰孫初道武養於宮中太武踐祚
除定州刺史封中山公進爵爲王賜步挽車以優異
之

嘗山王遵子素道武之曾孫明元從母所生特見親
寵

陳留王虔兄覬性嚴重少言道武嘗敬之雅有謀策

從平中山以功賜爵蒲城侯平盧太守特見寵厚給
鼓吹羽儀禮同岳牧蒞政以威信著稱

陽平王熙道武子明元治兵於東部詔熙督十二軍
較閱甚得軍儀明元嘉之賞賜隆厚泰寧六年薨明
元哀慟不已賜溫明秘器禮物倍焉

河間公興都初封樂成子獻文初以子東陽王丕貴
重進爵樂城侯謝老歸家帝益禮之賜几杖服物致
膳於第其妻婁氏爲東陽王太妃卒追贈定州刺史
河間公

任城王雲景穆之子爲征東大將軍徐州刺史以大

妃蓋氏薨表求解任百姓所遺錢貨一無所受顯祖聞而嘉之復拜侍中賜錢千貫羊千口出為雍州刺史州民頌之者千人文明太后嘉之賜帛千匹薨於州喪至京師車駕親臨哭

北海王詳獻文之子孝文自雒北巡詳嘗與侍中彭城王勰並在輿輦陪侍左右至文成射銘之處詔詳與侍臣皆試射遠近唯詳箭箭不及文成箭所十餘步孝文嘉之拊掌欣笑遂詔勒銘親自為製車駕南伐行中領軍留守給鼓吹一部甲仗三百人

咸陽王禧獻文之子太和中為冀州刺史孝文餞於南郊來朝京師將還州親餞之賦詩叙意入為司州牧都督司豫荆郢維東荆六州諸軍事詔以禧元弟之重食邑三千戶自餘五王皆食二千戶
趙郡靈王幹獻文之子孝文南伐以幹為車騎將軍都督關右諸軍事給銅虎符十別賜詩書班師遷維除都督冀定瀛三州諸軍事征東大將軍冀州刺史開府如故賜雜物五百段又密賜黃金十斤孝文親餞於近郊後轄司州牧車駕南討詔幹都督中外諸軍事給鼓吹一部甲士三百人出入殿門太和二十三年薨給東園秘噐斂服十五稱贈帛三千疋陪葬

廣陵惠王羽獻文之子太和中進號驍衛將軍征東大將軍開府青州刺史孝文幸羽第與諸弟言曰朕昨親受人訟始知廣陵之明了咸陽王禧曰臣年爲廣陵兄明爲廣陵弟孝文曰我爲汝兄汝爲羽昆汝復何恨親餞之華林園宣武卽位面受司徒薨於宣府武親臨哀慟給東園温明秘器朝服一具衣一襲錢六十萬布一千匹蠟三百斤大鴻臚護喪事大殮帝親臨之舉哀于都亭贈使持節侍中驃騎大將軍司徒公冀州刺史給羽葆鼓吹班劍四十人及葬帝親

臨送

彭城王勰獻文之子孝文南討漢陽假勰中軍大將軍加鼓吹一部及爲中書令孝文宴大臣於清徽堂日宴移於流化池芳林之下孝文日向宴之始君臣肅然及將軍觴也而流景將頽竟不盡適戀戀餘光故重引卿等因仰觀桐葉之茂日其桐其椅其寔離離愷悌君子莫不令儀今林下諸賢足敷謠詠遂令黃門侍郎崔光讀暮春群臣應詔詩至勰詩孝文仍爲之改一字日昔祁奚舉子天下謂之至公今見勰詩始知中令之舉非私也勰對日臣露此拙方見聖

朝之私賴蒙神筆賜刊得有令譽孝文曰雖雕琢一字猶是玉之本體勰曰臣聞詩三百一言以蔽今陛下賜刊一字足以價等連城後從孝文征沔北大破梁將崔慧景孝文不豫內侍醫藥孝文有瘳車駕還京會百僚於皇極堂行飲至策勲之禮命舍人宣旨勰翼勰六師募戎荆楚沔北之勲每毗廟筭從討新野有尅城之謀受命鄧城致大捷之効功爲群將之最也別當受賞不替厥庸孝文謂勰曰吾與汝等早罹艱苦中途契闊妄詐情意隨事而踈比纏患經歲危同寒葉非汝孔懷情敦忠孝孰能動止躬親必先

藥膳每尋此事感思殊遠勰悲泣對曰臣等宿遭不天酷恨長世賴陛下撫育得參人任豈謂上靈無鑒復使聖躬違和萬國所懸蒼生繫望寢興之勞豈申荼蓼以破慧景等勲增邑五百戶又詔曰朕形疲稚年心勞長歲積思成痾頃發汝穎第六弟勰孝均周弟誠佯姬旦遺食捨寢動止必親敦醫勸膳誠力俱竭未言保康是賴同氣又秉務緝政百司是憑綱維折衷萬揆獲濟撫師於霖浩之辰處戎於荐逼之日安外靜內功濟大道侍省之績可以孔懷無褒翼亮之勤實乃勲高社稷宜有酬賞以旌國功可增邑一

千戶勰辭曰臣受遇緣親榮枯事等以此獲賞深乖情願乞追成旨用息謗言詔曰汝在私能孝處公必忠比來勤憂足布朝野但可祗膺尋以勰為司徒太子太傅侍中如故宣武郎位以有功任宰輔勰固讓宣武雖許之猶逼以外尚書令王肅等奏臣等聞旌功表德道貴前王庸勲親親義高盛典是故姬旦翼周光宅曲阜東平宰漢寵絕列蕃彭城王勰景思內昭英風外發協廓乾規掃氛漢沔厲先帝在天鳳旌旋旆靜一六師肅寧南服登聖皇於天衢開有魏之靈祐論道中鉉王猷以穆七德丕宣九功在詠臣等

參議宜增邑一千五百戶詔曰覽奏倍增殞絕未足以上酬勲德且可如奏勰頰表固讓宣武與勰書曰諱奏辭暨今悲戀哽咽歲月易遠便迫暮冬每思聞道奉承風教父既辭榮開外無容頃違至德出蕃累朝荒馳寔深今遣主書劉道斌奉宣悲戀願父來望必當留京展洩哀窮枯不云遠勰乃朝於京師景明初齊豫州刺史裴叔業以壽春內屬詔勰都督南征諸軍事餘如故與尚書令王肅迎接壽春詔曰五教治樞古難其選自非親賢兼切莫應斯舉王以明德懋親任屬保傳出居藩陝入御袞章內外克諧民神

攸屬今董率戎麾威號宜重可復授司徒以光望寔
又詔勰以本官領揚州刺史
廣川剛王諧莊王啓之子大和中薨將大殮孝文素
服深衣哭之入室哀慟撫尸而出詔贈諧武衛將軍
及葬孝文親臨送之東陽王丕孝文嗣位累遷大尉
錄尚書事淮南王他淮陽王尉元河東王苟顏並以
舊老見禮每有大事引入禁中乘步挽杜子朝進退
相隨文明太后爲王獻造宅故亦爲丕造甲第第成
帝后幸之率百官文武享燕焉使尚書令王獻宣詔賜
丕金卮一鈕又特賜金券帝北巡狩丕留守賜所乘

車馬往來府省帝幸平城子隆謀逆丕免死爲大原
百姓丕年垂八十猶自平城力載隨駕至雒留雒陽
帝每遣左右慰勉之乃還晉陽孝文沒丕日并來赴
宣武引見之以丕舊老禮有加焉尋勅晉雒陽後宴
于華林都亭特令二子扶侍坐起丕歷仕六世年垂
七十位極公輔而還爲庶人然猶心戀京邑不能自
絕人事詔以丕爲三老襲嘗山宣王忠字仙德孝文
世累遷右僕射賜爵城陽公太和四年疾篤辭退養
病於高柳輿駕親送都門之外群僚友臣執別者莫
不涕泣及卒皆悼之命有司爲立碑銘

淮南王他陽平王熙之子太和初拜侍中轉征西大將軍遷司徒賜安車几杖入朝不趨太和十二年薨孝文有事宗廟始薦聞他薨爲之廢祭輿駕親臨勸詔有司監護喪事

南平王渾陽平王熙之第二子太武器其藝能嘗引侍左右賜馬百匹子霄嗣霄好直言正諫孝文特垂欽重詔曰自今奏事相稱可去姓名唯南平王一人可直言某封太和十七年薨賜朝服冥衣一襲東國第一秘器絹千疋孝文總衰臨霄喪哀慟左右醢不舉樂贈衛將軍定州刺史賜帛五百疋

江陽王繼南平王霄第二子義先納靈太后妹及大后臨朝數與孝明幸繼宅置酒高會班賜有加尋遷侍中驃騎大將軍儀同三司特進領軍如故徙封京兆王繼疾患積年就養于家每至靈太后與孝明遊幸於外時令扶入宮守禁內及節慶宴饗皆力疾參焉特轉大保侍中加後部鼓吹孝明詔曰至節嘉辰禮有朝慶親尊戚老理宜優異王位高年宿可依齊郡王簡故事朝訖引坐甄其拜伏轉太傅侍中頗讓不許大官給酒饌供賓客又詔令乘步挽至殿庭兩人扶侍禮秩與丞相高陽王相埒後除使持節侍中

太師大將軍錄尚書事大都督節度西道諸軍出師之日車駕臨餞傾朝祖送賞賜萬計繼啓求還復江陽詔從之繼長子又娶靈太后妹孝明初以侍中領軍輔政威振於內外乃封其子亮平原郡開國公食邑一千戶及拜孝明御南門臨觀并贈賜御馬帛千疋

廣陽王嘉簡王廷之子宣武時拜衛大將軍尚書令除儀同三司嘉好飲酒或沉醉在宣武前言笑自得無所顧忌帝以屬尊年老嘗優容之與彭城北海高陽諸王每入宴集極懽彌夜數加賞賜帝以時幸其

第

廣陵侯衍陽平王新成之次子爲徐州刺史至州病重孝文勅徐成伯乘傳療疾差成伯還帝曰卿定名醫資絹三千疋成伯辭請受一千帝曰詩云人之云亡邦國殄瘁以是而言豈惟三千疋乎其爲帝所重如此

南安惠王禎性忠謹事毋以孝聞孝文賜帛千疋以褒之徵赴講武

禎子英字虎兒時梁平三關成宣武詔曰知賊城已下復克三關展威闢境聲略宣振公私稱泰良以欣

然將軍淵規內斷忠謀外舉受律揚旌克申廟筭雖方叔之制蠻荆召虎之掃淮浦匹茲蔑如也新州初附宜廣經略想善簡督必令周固有所委付然後凱旋耳

安定靖王休太和中爲大司馬從駕幸鄴命休率從駕文武迎家于平城孝文親餞休於漳水之北十七年春與大保齊郡王簡並蠲朔望之禮十八年休寢疾高祖幸其第流涕問疾中使醫藥相望於路薨贈帛三千疋自薨至殯車駕三臨孝文至其門改服楊衰素莽加經皇太子百官皆從行吊禮及將葬又贈

布帛二千疋詔假黃鉞加羽葆鼓吹虎賁劍班六十三人悉准三老尉元之儀孝文親送出郊慟哭而返諸王恩禮莫比焉宣武世配饗廟庭于東宮西宮任城文宣王澄從孝文征南至懸瓠以篤疾還京駕餞之汝墳賦詩而別崑山刺史穆泰反以澄行州事遂授節銅虎竹使符御仗左右孝明世爲司空侍中西域之厭達波斯諸國各因公使並送澄駿馬一疋澄請付公僕以充國閑詔曰王廉貞之德也有過楚湘可効付廐以成君子大哉之美後爲司徒尚書令薨詔百寮會喪贈假黃鉞使持節都督中外諸軍事

太傅領大尉公加以殊禮備九錫依晉大司馬齊王攸故事謚曰文宣澄之葬也凶飾甚盛靈太后親送郊外停輿悲哭哀慟左右百官會赴千餘人莫不獻歔當時以爲哀榮之極

澄子嵩爲安南將軍揚州刺史累戰有功後爲蒼頭李大伯所害宣武爲嵩舉哀於東堂贈絹一千匹贈車騎將軍領軍

嵩弟順爲左僕射爾朱榮之亂爲鮮于康奴所害家徒四壁無物殮尸止有書數千卷而已門下通事令史王才達裂裳覆之莊帝還宮遣黃門侍郎山偉巡

喻京邑偉臨順喪悲慟無已既還莊帝惟而問曰黃門何爲聲散偉以狀對莊帝勅侍中元祉曰宗室亡非一不可周贍左僕射清苦之節死乃益章特贈絹百疋餘不得爲例贈驃騎大將軍尚書令司徒公定州刺史謚曰文烈

高陽王雍獻文之子爲驃騎大將軍司州牧宣武時幸雍第盡家人之禮孝明初詔入居太極西栢堂詔次大政給溫信二十人又詔雍爲宗師進太傅侍中領大尉公王如故別勅將作營國子學寺給雍居之靈太后詔雍乘步挽入掖門又以本官錄尚書事雍

頰表辭遜優答不許詔侍中敦喻孝明覽政詔雍乘車出入大司馬門進位丞相給後部羽葆鼓吹倍加班劔催令速拜詔雍依齊郡順王簡太和故事朝訖引坐特優拜伏之禮孝昌初詔曰比相府弗開陰陽未變王秉哲居宗勳望隆重道庇蒼生威被華裔躡國猶家匪躬在節可開府置佐吏又詔曰丞相高陽王道德淵廣明允篤誠儀刑太階垂風下國定所以予違汝弼致治責成宜班新制宜之遐邇其州郡先上司徒公文悉可改上相府施所符告皆亦如之後遇害於河陰贈假黃鉞相國

城陽王徽爲安西將軍秦州刺史詔書且至夕發徽以將之秦部請詣闕恭授仍表啓固陳請不之職改授輔國將軍加度支尚書元顥入雒徽從莊帝北巡及車駕還宮以與謀之功除侍中大司馬大尉公加羽葆鼓吹增邑通前三萬戶
章武王融與葛榮戰敗見殺孝明舉哀於東堂賜東園秘噐朝服一具絲二千八百段尋以融死事進贈司徒加後部鼓吹
襲崑山王素孫暉孝明世爲尚書令攝吏部選事神龜元年卒賜東園秘噐贈使持節都督中外諸軍事

司空公將葬給羽葆鼓吹班劍二十人羽林二百二

趙部王謐靈王幹之子除都官尚書加安西將軍正

光四年薨給東園秘器朝服一具衣一襲贈帛五百

疋

謐弟惠羽林監直閣將軍早卒賜帛五百疋贈鎮遠

將軍寧州刺史

武川鎮將軍蘭子志為雒陽令與御史中尉爭路帝

謂那嚕曰此兒竟可謂王孫公子不鑊自雕嚕曰露

竹霜條故多勁節非鸞則鳳其在本枝也

武昌王鑒宣武時為征虜將軍徐州刺史尅梁角城

帝詔鑒曰知獲角城威謀展稱良以欣然此帶淮滸

州路衝要自經昔筭未能尅之蟻固積紀每成邊害

將軍淵規潛運妙略克宣闕境尅城功若不日據要

扼喉津徑勢阻可謂勲高三捷朕甚嘉焉守御諸軍

善以量度宣慰之使尋當別遣

上黨王天穆以平邢杲之亂莊帝加太宰羽葆鼓吹

增邑通前七萬戶

北齊廣平公盛神武從叔祖也歷位太尉天平三年

薨贈假黃鉞太尉太師錄尚書事

平秦王歸彥神武族弟天保中以討侯景功封爲長
郡公除領軍大將軍領軍加大自歸彥始也文宣誅
高德政金寶財貨悉以賜之及爲司空時孝昭將入
雲龍門都督成休寧列拒而不內歸彥論之然後得
入進向指閣末巷亦如之孝昭踐祚以此彌見優重
每人嘗在平原王段韶上以爲司空兼尚書令齋宮
內唯天子紗帽臣下皆戎帽特賜歸彥紗帽以寵之
平陽王淹神武子皇建初爲太傅與彭城王浹河間
王孝琬並給仗身羽林百人

彭城王浹神武子爲太師錄尚書事河清三年車駕
巡幸浹留鄴爲郡盜所害贈假黃鉞太師大尉錄尚
書事給輜輶車

襄城王涓神武子天保三年薨朝明元年贈假黃鉞
太師太尉錄尚書事

高陽王湜神武子廢帝初薨乾明初贈假黃鉞太師
司徒錄尚書事

馮翊王澤神武子爲太師太宰薨贈假黃鉞左丞相
琅琊王儼武成第三子也爲領軍大將軍領御史中
丞魏氏舊制中丞出清道與皇太子分路行王公皆
遙住車去牛頓輒於地以待中丞過其或遲違則赤

捧捧之自都鄴後此儀浸絕武成欲雄寵儼乃使
依舊制儼初從北宮出將上中丞凡京畿步騎領軍
之官屬中丞之威儀司徒之鹵簿莫不畢備帝與后
在華林園東門外張幕隔青紗步障觀之觀者傾京
邑儼嘗在宮中坐含光殿以視事

後周晉公護太祖兄子為大冢宰明帝立拜太師賜
路車冕服又為雍州牧并賜金石之樂武帝保定三
年詔曰大冢宰晉國公智周萬物道濟天下所以克
成我帝業安養我蒼生况親則懿昆任當元輔而可
同班庶品齊位衆臣自今詔誥及百司文書並不得

稱公名以彰殊禮護固讓五年詔曰先宅曲阜魯用
郊天之樂地處參虛晉有大蒐之禮所以言時計功
昭德紀行使持節大帥都督中外諸軍事柱國大將
軍大冢宰晉國公體道居貞含和誕德地居戚右才
表棟隆國步艱難寄深夷險皇綱締構事均休感故
以迹冥殆庶理契如仁今文軌尚隔方隅猶阻典策
未備聲名多闕宜賜軒懸之樂六佾之舞

趙王招陳王純越王盛滕王迥皆文帝子靜帝即位
加招等入朝不趨劔履上殿
代王達字度介天性果決善騎射初封代公出為荆

州刺史在州有政績高祖手勅褒美之高祖東伐以爲將軍摠管齊淑妃馮氏尤爲齊後主所幸齊平帝以逆不遜聲色以馮氏賜之靜帝即位詔與趙王招等入朝不趨歛履上殿

蔡公廣太祖兄邵惠王顥孫也廣母李氏以廣患彌年憂而成疾因此致卒廣乃以毀薨武帝素服親臨百寮畢集故吏儀同李充信等上表褒述申其宿志庶存儉約詔曰昔河間才藻追叙于中尉東海謙約見稱於身後可掛約前典率繇舊章使易簣之言得申遺志黜殯之請無虧令終於是贈本官加太保隴

右十四州諸軍事秦州刺史謚曰文葬於隴右所司一遵儉約之典

廣陵公孝伯與武帝同日生嘗謂曰公於我猶漢高與盧縮也賜以十三環金帶自是嘗侍左右出入卧内朝務皆預焉

隋安德王雄初進封廣平王改封清漳王仁壽初高祖曰清漳之名未允聲望命職方進地圖上指安德王郡以示群臣曰此號足以名德相稱於是改封安德王遂寧子達開皇中爲鄴鄭趙三州刺史俱有能名平陳之後四海大同帝差品天下牧宰達爲第一賜

丹元集 褒寵三

雜絲五百段加以金帶擢拜工部尚書

秦王俊為并州總管三十四州軍事頗有令聞高祖聞而大悅下書獎勵焉

齊王暕煬帝第二子大業初為豫州牧俄而元德太子薨朝野注望咸以暕當為嗣文帝勅吏部尚書牛弘妙選官屬公卿繇是多進子弟明年轉雍州牧尋徙河南開府儀同三司元德太子左右二萬餘人悉隸於暕寵遇益隆自樂平公主及諸戚屬競來致禮百官稱謁填咽道路

唐淮安王神通高祖從父弟也為河北道行臺尚書

左僕射太宗即位是月甲戌詔曰褒崇賢戚有國燹典厚秩清階式隆朝望左武衛大將軍上柱國淮安王神通宗室之長德器優弘締構之初早樹勲績右武衛大將軍上柱國燕郡王藝夙著嘉庸志懷疆毅又司戎禁見稱貞確宜加榮寵式允其瞻並可開府儀同三司四年薨太宗為之廢朝鴻臚護喪事贈司空謚曰靖
淮陽王道玄高祖從父兄子也從太宗擊宋金剛先登陷陣時年十五太宗壯之賞物千段後擊劉黑闥戰沒太宗每追痛之嘗從容謂侍臣曰道玄始終從

朕深入賊陣所向必尅意嘗企慕所以每陣先登蓋
學朕也惜其幼少力不遂心及於難平後以其弟武
都王道明徙封於淮陽國
河間王孝恭高祖從父兄子也武德二年授信州摠
管承制拜假簫銑平高祖大悅拜孝恭荊州大摠管
使盡工貌而視之及平輔公祐璽書褒賞賜甲第一
區女樂二部奴婢七百人金寶珍翫甚衆授東南道
行臺尚書右僕射太宗甚加親待諸宗室中莫與比
焉貞觀十四年暴薨太宗素服舉哀哭之甚慟
江夏王道宗高祖從父兄子爲吏部尚書太宗討高

麗爲前鋒大破賊兵太宗至深加賞勞賜奴婢四十
人道宗在陣損足太宗親爲其針賜以御膳

濟北公城河間王孝恭弟也爲尚書左丞貞觀十年
夏五月幸其第敦親親也

襄邑郡王神符貞觀三年爲宗正卿後以疾辭位歸
第拜光祿大夫每月別給羊酒太宗將幸九成宮就
第問疾賜以縑帛又令乘小輿引見紫微殿以其脚
疾遣三衛輿之而升

齊王元吉高祖子武德四年太宗討竇建德於滎陽
留元吉與屈突通圍王世充於東都世充出兵拒戰

元吉設伏擊破之斬首八百級生擒其大將軍樂仁
昉甲士千餘人世充平拜司空加賜袞冕之服前後
部鼓吹樂二部班劍二十人黃金二十斤與太宗各
聽三鑪錢以自給九年詔曰三台望重仰叶辰曜五
教任隆俯安邦國實資懿德式寄親賢侍中并州大
都督左衛大將軍上柱國齊王元吉器量凝邈風神
奕邁徽猷夙著嘉譽早隆出蒞方岳政績兼懋人侍
帷宸猷納允屬推轂闢外倫展勲庸職司禁旅戎章
以緝燮理之任朝典攸宜可司徒餘如故

鄴王元亨高祖子貞觀二年爲金州刺史及之藩太

宗以其幼小甚思之中路賜以金盞遣使爲之設晏
徐王元禮高祖子貞觀十七年爲絳州刺史以善政
聞太宗降璽書勞勉賜以錦綵

鄆王元懿高祖子總章中爲絳州刺史元懿頗好學
數斷大獄甚有公平之譽高宗特降璽書褒美賜物
三百段

舒王元名高祖子元名性高潔矜莊門庭清肅嘗誡
其子豫章王亶等曰藩王所之不慮無錢財官職但
勉行善事忠孝持身此吾志也及亶爲江州刺史以
善政聞高宗手勅褒美元名以賞其表方之訓

魏王泰太宗第二子也貞元十四年太宗幸泰延康坊宅因曲赦雍州及長安大辟罪已下免延康坊百姓無出今年租賦又賜泰府官僚帛有差泰好事愛文學特令就府別置文學館任自引召學士又以泰腰腹洪大趨拜稍難復令乘小輿至於朝所其寵異如此

營州都督晦河間王孝恭子也乾封中以善政聞璽書勞問賜物三百段

紀王慎太宗第十子為襄州刺史以善政稱高宗璽書勞勉

宋王憲初名成器睿宗長子睿宗將建儲貳以成器嫡長而玄宗有平帝氏之功成器涕泣固讓儲副玄宗又抗表固讓睿宗不許乃下制曰左衛將軍宋王成器朕之元子當踐副君以隆基祚社稷大功人神僉屬繇是朕前懇讓言在必行天下至公誠不可奪爰示立季之典庶叶從人之願可雍州牧楊州大都督太子太師別加實封二千戶賜物五千段細馬二十疋奴婢十房甲第一區良田三十頃其年十一月拜尚書左僕射尋遷司徒景雲二年兼同州刺史賜物二千匹殿中馬二十疋開元二十八年冬憲寢疾

玄宗令中使送鑿藥及珍膳相望於路僧崇一療憲
稍瘳帝大悅特賜緋袍魚袋以賞異崇一時申王等
皆先薨唯憲獨在上施加恩貸每年至憲生日必幸
其宅移時晏樂居嘗無日不賜酒酪及異饌等尚食
摠監及四方有所進獻食之稍甘即皆分以賜之憲
嘗奏請年終錄付史官每年數百紙

汝陽王璿憲子也天寶九載薨輟朝一日制曰睦親
之恩理貫存歿飾終之禮義表哀榮故特進上柱國
汝陽郡王璿植性謙和執心恭懿聞詩禮而稟訓用
忠信而飭躬脩詞立誠不虧於道依仁遊藝克著於

名况久踐崇班彌彰勤勵與其未固藩翰有光公族
奄茲殞歿良多憫念宜加寵贈用旌幽宥可贈太子
太師應緣喪量事官供仍令京兆尹一人簡較葬事

嗣申王珣憲子

珣出繼申王璿

開元二十五年薨玄宗甚悼

之輟朝三日制曰猶子之恩特深於情禮睦親之義
必備於哀榮同安郡王珣稟氣浮和執心忠順邦國
垣翰宗枝羽儀磐石䟽封將期永固逝川不捨俄歎
促齡悼徃之懷因心所切宜增寵命用飾幽泉可贈
太子少保葬事官給陪葬橋陵

榮王滉

後名彥

玄宗開元十五年授京兆牧二十三年

七月以京兆牧榮王滉廣州都督領南牧儀王維後名

荊州大都督末王澤後名益州大都督壽王清後名

瑁安西大都護延王涸一作涸後名揚州大都督盛王沐

後名第二十二男濟王溢後名第二十三男信王沔

後名第二十四男義王泚後名第二十五男陳王淮

後名並加開府儀同三司第二十六男豐王澄後名

為左衛大將軍第二十八男崑王懋後名為右衛大

將軍第二十九男涼王浞後名為左千牛衛大將軍

第三十男汴王滢後名為右千牛衛大將軍滉等謝

恩于朝悉命詣尚書省上自慶王已下咸送之命有

司帳設置饌大嘗供樂敕曰榮王滉等既已封建近

又拜官在於府寮合依典故有司准式十二月慶王

潭忠王浚棟王洽鄂王洵榮王滉儀王濉穎王滢永

王澤壽王清延王涸盛王沐濟王溢義王泚陳王淮

豐王澄崑王懋涼王浞汴王滢加上任國

故邠王男承宣承審承奕承寧承寔承冥等天寶七

載六月皆授朝請郎東宮六品官員外置同正員仍

賜緋魚袋詔曰故邠王男承宣等地惟戚屬器表温

良伯仲輝光温温有裕推恩之典既叶於分官賜服

之榮宜崇於寵命八月勅諸王長子及先帶郡王名

任職事官階卑諸並聽著紫佩金

魚袋

濟南郡王雋棣王之子也天寶十四年十月與濟王
 男光祿卿平樂郡王慨信王男大嘗卿新安郡王修
 陳王男太嘗卿臨淮郡王佗義王男大僕卿舞陽郡
 王儀盛王男太嘗卿真定郡王債末王男太嘗卿餘
 姚郡王儋陳王男殿中監安南郡王倫穎王男鴻臚卿
 高邑郡王儁廷王男殿中監平陽郡王健信王男光
 祿卿晉陵郡王侗豐王男宗正卿齊安郡王佻涼王
 男大僕卿宜春郡王伯盛王男殿中監信都王佩壽
 王男鴻臚卿廣楊郡王健儀王男宗正卿高密郡王

僂涼王男殿中監安定郡王仕廷王男大僕卿佐末
 王男國子祭酒儀徐王男秘書監任靖德太子男太
 嘗卿韓國公傲靖德太子男太僕卿倫棣王男光祿
 卿安棣王男太僕卿僚棣王男國子祭酒俠棣王男
 殿中監仁棣王男大僕卿史失其名棣王男秘書監優永
 王男衛尉卿莒國公偵末王男秘書監邠國公儼永
 王男國子祭酒伶壽王男光祿卿薛國公伉壽王男
 殿中監滕國公侑壽王男國子祭酒傑延王男宗正
 卿魯國公保延王男國子祭酒荆國公偃濟王男衛
 尉卿沛國公佺濟王男國子祭酒倖信王男秘書監

吳國公保信王男國子祭酒越國公俊義王男國子
祭酒曹國公佳義王男秘書監魏國公俗陳王男秘
書監代國公仿陳王男太僕卿代國公倅義王男光
祿卿號國公供穎王男國子祭酒楚國公倪穎王男
光祿卿夔國公傅盛王光男光祿卿徐國公俗盛王
男國子祭酒許國公係豐王男國子祭酒江國公佺
果王男衛尉卿蒲國公侶涼王男秘書監鄭國公佺
榮王男衛尉卿偃榮王男秘書監僂榮王男鴻臚卿
佩等五十五人並授上柱國

韓王迥代宗第七子以母寵既生而受封雖冲幼恩

在鄭王之亞

嗣吳王祗爲簡較工部尚書兼太子賓客大曆五年
詔祗集賢院待制時四郊無虞勲勞大臣在闕下者
雖爵秩崇高多無職事末泰初乃詔左僕射裴冕等
一十三人同於集賢院待制特給殮錢及繕修廨宇
以厚其禮自後遷者非一無代之者以祗宗室勲舊
加寵之也

宗正卿嗣吳王獻貞元十三年奏簡王府諮議參軍
嗣寧王子淑葬請鹵簿宰臣等議以子淑官卑不合
給因下詔自今以後嗣薨日宜令所司供鹵簿奉爲

嘗式

梁廣王全昱大祖兄乾化元年還睢陽命內臣拜餞都外親王出宿至於偃師仍詔其子衡王友諒侍從以歸

後唐開府儀同三司簡較大尉充北都留守興聖宮使判六軍諸軍事兼御史大夫上柱國隴西縣開國伯食邑七百戶繼岌同光元年授簡較大尉同中書門下平章事仍進封開國侯加食邑三百戶充東京留守餘如故繼岌皇子也魏州興建時宰相豆盧革奏曰皇子之職故事合帶宮使革因進擬以興聖為

名秦王從榮明宗長子也天成二年自鄴中至泊於至德宮帝幸其第宣禁中女伎及教坊樂歡宴至晚後為天下兵馬元帥四年九月勅從榮位隆將相望重盤維委任既崇等威合異班位宜在宰臣之上亳州團練使重吉末帝子早薨清泰元年詔贈太尉仍令宋州選隙地置廟

洋王從璋明宗猶子泰清元年詔從璋及涇王從敏月各給俸錢一十萬米麥各五十石僦三十人衣糧馬五十疋芻粟二王自方鎮入朝自是留雒陽私第隴西郡公重美末帝子清泰元年授成德軍節度等

使命樞密使韓昭嘗送重美領鎮州旌節官牒于府署重美迎授其禮甚盛

晉皇子重信高祖第二子也高祖即位出鎮孟津到任踰月去民病十餘事朝廷有詔褒之是歲范延光叛命於鄴詔遣前雲武節度張從賓發河橋屯兵東討延光從賓與延光合謀爲亂遂害重信於理所時年二十遠近聞者爲之歎惜制贈太尉執事奏曰兩漢子弟生死無歷三公位者帝曰此兒爲善被禍予甚愍之自我作古寧有例乎遂行冊命

太師萬友高祖仲父太尉萬銓高祖季父

太傅敬儒高祖兄並天福六年正月追贈

周大將軍守筠奉超定哥皆太祖姪乾祐末遇害廣順元年二月太祖姪乾筠贈左領軍將軍改名愿奉超贈左監門將軍定哥贈左千牛將軍賜名恣顯德四年四月制曰故皇從弟贈左領軍衛將軍守愿贈左監門衛將軍奉超贈左千牛衛將軍恣等天潢演派棣萼騰芳成敦悌之情並著謙和之譽頃因季代不享遐齡每念作辜難忘有慟宜加贈典復黃泉肩守愿可贈左衛大將軍奉超可贈左衛大將軍恣可贈左武衛大將軍

條訓戎經武式遏寇虐斯可以籍明茂之望聳懷柔之美夾輔京室克固於維城大庇本根以期於長世者已

晉大原成王輔宣王弟安平王孚第三子也咸寧三年監并州諸軍事

下邳獻王晃孚第五子也泰始九年詔曰南中郎將下邳王晃清亮中正體行明絜才周政理有文武策識其以晃爲使持節都督寧益二州諸軍事安西將軍領益州刺史晃以疾不行更拜尚書遷右僕射久之出爲鎮東將軍都督清徐二州諸軍事

高陽元王珪孚第七子也泰始初爲北中郎將督鄴城守諸軍事竟陵王棼義陽王望子也齊王冏輔政以棼爲平東將軍都督徐州諸軍事鎮下邳彭城穆王權宣帝弟東武城侯廵之子泰始初出爲北中郎將都督鄴城守諸軍事

權子元王植自侍中尚書出爲安東將軍都督揚州諸軍事代淮南王允鎮壽春未幾或云植助允攻趙王倫遂以憂薨

權弟高密文獻王泰泰始初拜遊擊將軍出爲兖州刺史加鷹揚將軍遷使持節都督寧益二州諸軍事

安西將軍領益州刺史稱疾不行轉安北將軍代權
督鄴城守事遷安西將軍都督關中事後爲鎮西將
軍領護西戎較尉假節代扶風王駿都督關中軍事
以疾還京師泰子老王略自秘書監出爲安南將軍
持節都督沔南諸軍事遷安北將軍都督青州諸軍
事懷帝即位遷使持節都督荊州諸軍事征南大將
軍開府儀同三司略弟南陽王模初封平昌公爲北
中郎將鎮鄴永興初成都王穎故帳下督公師藩樓
擁郝昌等攻鄴模左右謀應之廣平太守丁邵率衆
救模范陽王彪又遣兗州刺史荀晞援之藩等散走

遷鎮東大將軍鎮許昌進爵南陽王永嘉初轉征西
大將軍開府都督秦雍梁益諸軍事代河間王穎顯
鎮關中

新蔡武哀王騰高密王泰第二子出繼叔父悌自太
常轉持節寧北將軍都督并州諸軍事并州刺史永
嘉初遷車騎將軍都督鄴城守諸軍事鎮鄴

范陽王彪康王綏之子累遷尚書出爲安南將軍都
督豫州諸軍事持節鎮許昌進位征南將軍
譙閔王承剛王遜之子元帝欲樹藩屏會王敦表以
宣城內史沈充爲湘州帝謂承曰湘州南楚險固在

上流之要控三州之會是用武之國也今以叔父居之何如承曰臣幸托末屬身當宿衛未有駸馳之勞頻受過厚之遇夙夜自厲思報天德君之所命惟力是視敢有辭焉然湘州蜀寇之餘人物雕盡若上憑天威得之所蒞比及三年請從戎役若未及此雖復灰身亦無益也於是詔曰夫王者躰天理物非群才不足濟其務外建賢哲以樹風聲內睦親親以廣藩屏是以太公封齊伯禽居魯此先王之令典古今之通議也我晉開基列國相望乃授琅邪武王鎮統東夏汝南文武揔一淮許扶風梁王迭據閩右爰暨東

羸作司并州今公族雖寡不逮曩時豈得替舊章乎散騎嘗侍左將軍譙王承貞素款亮志存忠恪便蕃左右恭肅彌著今以承監湘州諸軍事南中郎將湘州刺史初劉隗以王敦威權太盛終不可制勸帝出諸心腹以鎮方隅故先以承爲湘州

承孫敬王恬爲侍中左衛將軍恬既宗室有勲望孝武帝時深仗之以爲都督兗青冀幽并揚州之晉陵徐州之南北郡軍事領鎮比將軍兗青二州刺史假節

恬子休之少仕清塗以平王恭庾措功拜龍驤將軍

襄城太守鎮歷陽桓玄攻歷陽休之嬰城固守及兄尚之爲桓玄所敗休之以五百人出城力戰不捷乃還城攜子姪奔于慕容超聞義軍起復還京師大將軍武陵王令曰前龍驤將軍休之才幹真審功業既成歷陽之戰事在幾捷及至勢乖力屈奉身出奔猶鳩集義徒崎嶇險阻既應親賢之舉宜委分陝之重可監荆益梁寧秦雍六州軍事領護南蠻較尉荊州刺史假節

汝南文成王亮宣帝子初封扶風郡王持節都督關中雍梁諸軍事吳將步闡來降假亮節都督諸軍事以納之後爲大司馬假黃鉞大都督督豫州諸軍事出鎮許昌

琅邪武王伷宣帝子魏末爲撫軍將軍南皮伯出爲鎮東大將軍假節徐州諸軍事代衛瓘鎮下邳伷鎮撫有方得將士死力吳人憚之加開府儀同三司改封琅邪王以東莞益其國頃之并督青州諸軍事扶風武王駿宣帝子初封汝陰王都督豫州諸軍事吳將丁奉寇芍陂駿督諸軍事距退之遷使持節都督揚州諸軍事代石苞鎮壽春尋復都督豫州還鎮許昌遷鎮西大將軍使持節都督雍梁等州諸軍事

代汝南王亮鎮關中

駿子新野莊王歆初封新野縣公齊王罔入維歆躬貫甲冑率所領導罔以勲進封新野郡王邑二萬戶遷使持節都督荊州諸軍事鎮南大將軍開府儀同三司

梁孝王彤宣帝子泰始中爲北中郎將督鄴城守事太康中代孔洵監豫州軍事加平東將軍鎮許昌頃之又以本官代下邳王晃監青徐州軍事進號安東將軍元康初轉征西將軍代秦王東都督關中軍事領護西戎較尉加侍中進督梁州復爲征西大將軍

代趙王倫鎮關中都督涼雍諸軍事又領西戎較尉也
也好時

趙王倫宣帝子咸寧中爲平北將軍督鄴城守事元康初遷征西將軍開府儀同三司鎮關中

齊獻王攸文帝子太康三年詔曰古者九命作伯或入毗朝政或出御方嶽周之呂望五侯九伯實得征之侍中司空齊王攸明德清暢忠允篤誠以毋弟之親受台輔之任佐命立勲劬勞王室宜登顯位以稱具瞻其以爲大司馬都督青州諸軍事侍中如故假節將本營千人親騎帳下司馬大軍皆如舊增鼓吹

一部官騎滿二十人置騎司馬五人餘主者詳案舊制施行
攸子武閔王罔爲翊軍較尉趙王倫密與相結廢賈后以功轉游擊將軍罔以位不滿意有恨色孫秀微覺之且憚其在內出爲平東將軍假節鎮許昌
罔弟寔永寧初爲東平將軍假節加散騎嘗侍代齊王罔鎮許昌尋進安南將軍都督豫州軍事
燕王機文帝子咸寧初徵爲步兵較尉以漁陽郡益其國加侍中之服拜青州都督鎮東將軍假節以北平上谷廣甯郡增燕國

樂安平王鑒文帝子元康中以大將軍使持節都督豫州軍事安南將軍代清河王遐鎮許昌
楚隱王壽武帝子太康末之國都督荊州諸軍事平南將軍轉鎮南將軍
淮南忠莊王允武帝子太康十年之國都督楊江二州諸軍事鎮東大將軍假節
清河康王遐武帝子自散騎嘗侍平南將軍都督江州諸軍事
成都王穎武帝子爲散騎嘗侍車騎將軍賈謐嘗與皇太子博爭道穎在坐厲聲呵謐曰皇太子國之儲

君賈謐何得無禮謚懼繇此出穎爲平北將軍鎮鄴
河間王顥大原烈土瓌之子元康初爲北中郎將監
鄴城九年代梁王彤爲平西將軍鎮關中石函之制
非親親不得都督關中顥於諸王爲踈特以賢舉
東海孝獻王越高密王泰子初以世子爲騎都尉大
安初惠帝北征鄴以越爲大都督六軍敗越奔下邳
徐州都督東平王楙不納越徑還東海懷帝即位委
政於越帝始親萬幾留心庶事越不悅求出藩帝不
許越遂出鎮許昌尋詔越爲丞相領兗州牧都督兗
豫司冀幽并六州越辭丞相不受自許遷於鄆城

琅邪孝王裒元帝子自後將軍拜散騎常侍使持節
都督青徐兗三州諸軍事車騎將軍
會稽文孝王道子簡文帝子爲開府司徒及謝安薨
詔曰新喪哲輔華戎未一自非朝賢懋德莫能綏御
內外司徒琅邪王道子体道自然神識穎遠寔當且
奭之重宜揔二南之任可領揚州刺史錄尚書假節
鉞都督中外諸軍事衛府文武一以配驃騎府讓不
受數年領徐州刺史道子世子元顯爲司徒錄尚書
事求領徐州刺史加侍中後將軍開府儀同三司都
督十六州諸軍事

宋長沙景王道憐高祖中弟也晉末高祖鎮京口以道憐爲龍驤將軍領堂邑太守戍石頭會鮮卑侵逼自彭城以南民皆堡聚山陽淮陰諸戍並不復立道憐請據彭城以漸脩創朝議以彭城懸遠使鎮山陽進號征虜將軍督淮北軍事北東海太守并州刺史加北徐州刺史移鎮彭城又徵爲都督兗青二州晉陵京口淮南諸軍郡事兗青二州刺史還鎮京口及江陵平以爲都督荆湘益秦寧梁雍七州諸軍驃騎將軍開府儀同三司鎮護南蠻較尉荊州刺史北府文武皆配之高祖平定三秦方思外略徵道憐還爲

侍中都督徐兗青三州楊之晉陵諸軍事守諸軍尚書令徐兗二州刺史持節將軍如故元興元年解尚書令進位司空出鎮京口

長沙成王義欣道憐長子也初爲征虜將軍青州刺史魏郡太守戍石頭文帝元嘉三年爲南州刺史七年遷使持節監豫司雍并四州諸軍事豫州刺史給鼓吹一部鎮壽陽十年進號鎮軍將軍進監爲都督義欣子祗明帝初爲南兗州刺史

祗弟韞自太子中庶子侍中加荆湘南兗州刺史吳興太守侍中領左軍將軍又改領驍騎將軍撫軍雍

州刺史
新渝侯義宗義欣弟也元嘉中為征虜將軍南兖州刺史

當陽侯秉彜義宗子也泰始中為左衛將軍丹陽尹
五年出為前將軍淮南宜城太守不拜還後本任遷
使持節都督南徐徐兗豫青冀六州都軍事後將軍
南徐州刺史廢帝即位改都督郢州豫州之西陽司
州之義陽二郡諸軍郢州刺史未拜留為尚書左僕
射參選二年加散騎常侍丹陽尹
興安侯義賓義宗弟也元嘉中位至輔國將軍徐州

刺史

營道侯義綦義賓弟也元嘉中歷右衛將軍湘州刺
史

臨澧侯襲為安成太守晉安王子勛為逆襲據郡拒
之子勛遣軍攻圍不下明帝嘉之以為郢州刺史
臨川武烈王道規高祖少弟晉末為振武將軍義昌
太守累戰功進號輔國將軍督淮北諸軍事并州刺
史時荊州湘江豫猶多桓氏餘燼往往屯結復以本
宮進督江州之武昌荊州之江夏隨郡義陽綏安豫
州之西陽汝南潁川新蔡九郡諸軍事隨宜翦撲皆

悉平之遷使持節都督荆寧秦梁雍等州司州之河南諸軍事領護南蠻較尉州刺史進號西征大將軍開府儀同三司加散騎常侍固辭俄而寢疾改授都督豫章江州揚州之宣城淮南廬江歷陽安豐堂邑六郡諸軍事豫州刺史持節常侍如故以疾不拜臨川康王義慶昔未從高祖征長安還拜輔國將軍北青州刺史未之任徙督豫州諸軍事豫州刺史後督淮北諸軍事遷丹陽尹在京尹九年出為使持節都督荆雍益寧梁南北秦七州諸軍事平西將軍荆州刺史荆州居上流之重地廣兵強資實兵甲居朝

廷之半故高祖使諸子居之義慶以宗室令羨故特有此授十六年改授散騎常侍都督江州之西陽晉熙新蔡三州諸軍事衛將軍江州刺史持節如故十七年即本號都督南兖州徐兖青黃幽六州諸軍事南兖州刺史

營蒲侯遵考高祖族弟也晉末自建威將軍彭城內史隨高祖北伐時高祖諸子並弱宗室唯有遵考長安平定以督并州司州之比河東北平陽北雍州之新平安定五郡諸軍事輔國將軍并州刺史領河東太守鎮蒲坂關中失守南還元嘉三年出為使持節

都督雍梁南北秦四州荊州之竟陵順陽襄陽新野
 隨六郡諸軍事征虜將軍寧蠻校尉雍州刺史襄陽
 新野二郡太守八年督南徐兖州之江北淮南諸軍
 事征虜將軍南兖州刺史領廣陵太守十五年監徐
 兖二州豫州之梁郡諸軍事前將軍徐兖二州刺史
 未之鎮留為侍中領左衛將軍明年出為使持節監
 豫司雍并四州南豫州之梁郡弋陽馬頭荊州之義
 陽四郡諸軍事豫州刺史領南梁郡太守遷吳興太
 守秩中二千石二十七年魏軍南至瓜步率軍出江
 上假節蓋三十年復出為使持節監豫州刺史元寬

止遣外監徐安期仰捷祖守之遵考斬安期等起義
 兵應南譙王義宣加遵考鎮西將軍孝建元年除吳
 興太守明年徵為湘州刺史三年轉丹陽尹六年領
 徐州刺史景和元年出督南豫州諸軍事安西將軍
 南豫州刺史遵考從弟思考為豫章會稽太守益徐
 州刺史凡經十郡三州
 廬陵孝獻王義真武帝第二子晉末從高祖北征及
 關中平定高祖議欲東還而諸將行役既久咸有歸
 願止留偏將不足鎮固人心乃以義真行都督雍梁
 秦三州之河東平陽河北二郡諸軍事安西將軍領

護西戎較尉雍州刺史太尉諮議參軍京兆王修爲長史委以關中任高祖將還三秦父老詣門流涕訴曰殘民不沾王化於今百年矣始覩衣冠方仰聖澤長安十陵長公家墳墓咸陽宮殿數千間是公家屋宅捨此欲何之高祖爲之愍然慰辭曰受命朝廷不得擅留感諸君戀本之意今留第二兒令文武賢才共鎮北境臨還自執義真手以授王修令修執其子孝孫手以授高祖義真尋正加節又進督并東秦二州司州之東安定新平二郡諸軍事領東秦州刺史次復都督司雍秦并梁五州諸軍事建武將軍司州

刺史持節如故時義真將鎮雒陽而河南蕭條未及修理改除揚州刺史鎮石頭永初元年移鎮東城高祖不豫以爲使侍節侍中都督南豫豫雍司秦并六州諸軍事車騎將軍開府儀同三司南豫州刺史出鎮歷陽

襲廬陵王紹文帝第五子元嘉二十年出爲南中郎將江州刺史時年十二二十二年入朝加棨戟進都督江州豫州之西陽晉熙新蔡三郡諸軍事在任七年改授左將軍南徐州刺史給鼓吹一部未之鎮乃遷揚州刺史

彭城王義康武帝第四子晉末年十二宋臺除都督豫司雍并四川諸軍事冠軍將軍豫州刺史時高祖自壽陽被徵入輔留義康代鎮壽陽又領司州刺史進督徐州之鍾離荊州之義陽諸軍事永初二年從監南豫司雍并五州諸軍事南豫州刺史三年遷使持節都督南徐兖二州楊州之晉陵諸軍事南徐州刺史太祖即位元嘉三年改授都督荆湘雍梁益寧南北秦八州諸軍事荊州刺史班劍三十人六年司徒王弘表義康宜還入輔徵侍中都督楊南徐兖三州諸軍事司徒錄尚書事領平北將軍南徐州刺史

持節如故九年又領楊州刺史江夏文獻王義恭武帝第五子景平二年監南豫司雍秦并六州諸軍事將軍南豫州刺史代盧陵王義真鎮歷陽時年十二元嘉元年加使持節進號撫軍將軍給鼓吹一部三年監南徐兖二州楊州之晉陵諸軍事徐州刺史進監爲都督未之任太祖征謝晦義恭還鎮京口六年改都督荆湘雍益梁寧南北秦八州諸軍事荊州刺史九年徵爲都督南兖徐兖青冀幽六州豫州之梁郡諸軍事征北將軍開府儀同三司南兖州刺史鎮廣陵十七年大將軍彭城王義康有罪出藩徵義恭

爲侍中都督楊南徐兗三州諸軍事給班劍二十人
置仗加兵二十七年春後魏寇豫州太祖因此欲開
定河維其秋以義恭總統郡帥出鎮彭城後以本官
領南兗州刺史增都南兗豫徐兗青冀司雍秦幽并
十一州諸軍事并前三州移鎮盱眙修治第宇擬
制東城二十九州遭太妃憂改授太將軍都督楊南
徐二州諸軍事南徐州刺史還鎮東府世祖踐祚授
使持節侍中都督楊南徐三州諸軍事太尉錄尚書
六條事楊南徐三州刺史孝建元年十一月還鎮京
口二年春進督東南兗二州其冬徵爲揚州刺史

南豐縣王朗字元明義恭長子爲湘州刺史持節侍
中領射聲較尉

襲江夏王子綏爲都督郢州諸軍事冠軍將軍郢州刺
史進號後軍將軍加持節

襲江夏王躋後廢帝即位督會稽東陽新安臨海永
嘉五郡軍事東中郎將會稽太守進號左將軍

襲江夏王伯禽官至輔國將軍湘州刺史

南郡王義宣武帝第六子元嘉元年十二拜左將軍
鎮石頭七年遷使持節都督徐兗青冀幽五州諸軍
事徐州刺史猶戍石頭八年改都督南兗兗州刺史

當鎮山陽未行明年遷中書監進號中軍將軍又領石頭戍事十三年出都督江州豫州之西陵晉熙新蔡三郡諸軍事鎮南將軍江州刺史初高祖以荆州上流形勝地廣兵強遺詔諸子次第居之謝晦平後以授彭城王義康義康入相次江夏王義恭又以臨川王義慶宗室令望且臨川武烈王有大功於社稷義慶又居其後應在義宣帝以義宣人才素短不堪居上流十六年以衡陽王義季代義慶而以義宣代義季爲南徐州刺史都督南徐州軍事征北將軍加散騎宣侍而會稽公主每以爲言帝遲迴久之二十

一年乃以義宣都督荆雍益梁寧南北秦七州諸軍事車騎將軍荊州刺史進位司空改侍中領南蠻較尉三十年遷司徒中軍將軍揚州刺史世祖即位以義宣爲中書監都督揚豫二州丞相錄尚書六條事揚州刺史加羽葆鼓吹給班劍四十人持節侍中如故封次子宜陽侯愷爲南譙王義宣固辭內任及愷王爵於是改授都督荆湘雍益梁寧南北秦八州諸軍事荆湘二州刺史持節侍中丞相如故

衡陽文王義季武帝第七子元嘉八年領石頭戍事九年遷使持節都督南徐州諸軍事右將軍南徐州

刺史十六年代臨川王義慶都督荆湘雍益梁寧南
北秦八州諸軍事安西將軍荊州刺史二十一年爲
都督南兖徐青冀幽六州諸軍事征北大將軍開府
儀同三司南兖州刺史二十二年進督豫州之梁郡
遷徐州刺史

始興王濬文帝第二子初鎮京口後求鎮江陵尚書
令何尚文等咸謂濬太子次弟不應遠出文帝以上
流之重宜有至親故以濬爲衛將運開府儀同三司
荊州刺史加都督領護南蠻較尉

南平穆王鐸文帝第四子元嘉十七年都督湘州諸

軍事冠軍將軍湘州刺史不之鎮戍石頭事二十三
年遷使持節都督南豫豫司雍秦并六州諸軍事南
豫州刺史時太祖方事外畧乃罷南豫併壽陽郎鐸
爲豫州刺史

竟陵王誕文帝第六子元嘉二十二年監南兖州諸
軍事北中郎將南兖州刺史出鎮廣陵尋以本號徙
南徐州刺史二十六年出爲都督雍梁南北秦四州
荊州之竟陵隨二郡諸軍事後將軍雍州刺史遷都
督廣交二州諸軍事安南將軍廣州刺史當鎮始興
未行改授都督會稽東陽新安臨海永嘉五郡諸軍

事安東將軍會稽太守給鼓吹一部孝武即位徵爲持節都督荆湘雍益梁寧南北秦八州諸軍事衛將軍開府儀同三司荊州刺史南譙王義宣不肯就徵以誕爲侍中驃騎大將軍揚州刺史建平二年出爲使持節都督南兗徐二州諸軍事太子太傅南徐州刺史大明元年又出爲都督南兗南徐青冀幽六州諸軍事南兗州刺史

建平宣簡王宏文帝第十子元嘉二十四年爲中護軍領石頭戍事出爲征虜將軍江州刺史

宏子景素初爲寧朔將軍監南豫豫州諸軍輔國將

軍南豫州刺史不拜太宗初加冠軍將軍南兗州刺史丹陽尹吳興太守使持節監湘州諸軍事湘州刺史泰始六年都督荆湘雍益梁寧南北秦八州諸軍事爲散騎嘗侍後將軍太嘗未拜授使持節都督南徐青冀六州諸軍鎮軍將軍南徐州刺史

廬江王櫛文帝第八子元嘉二十六年以爲侍中後軍將軍領石頭戍事出爲會稽太守二十九年遷使持節都督廣交二州荊州之始興安二州諸軍事將軍平越中郎將廣州刺史孝武踐祚復爲會稽太守加撫將軍明年徵爲秘書監加散騎嘗侍尋出爲撫

軍將軍江州刺史進號平南將軍置吏大明二年徵為散騎嘗侍中書令領驍騎將軍給鼓吹一部又出為南豫州刺史

晉熙王昶文帝第九子世祖踐祚自太嘗出為東中郎將會稽太守監會稽東陽臨海永嘉新安五郡諸軍事孝建元年立東楊州拜昶為刺史大明中都督江州郢州之西陽豫州之新蔡晉熙二郡諸軍事前將軍江州刺史前廢帝即位出為使持節都督徐兗南兗青冀幽六州豫州之梁郡諸軍事征北將軍兗州刺史

武昌王渾文帝第十子孝武即位授征虜將軍南兗州刺史出鎮京口孝建元年遷持節監雍州東海二郡太守出鎮京口孝建元年遷持節監雍州東海二郡太守出鎮京口孝建元年遷持節監雍州東海二郡太守出鎮京口

宗室部

領鎮第二

本始安王休仁文帝第十二子孝建三年都督南兗州二州諸軍事冠軍將軍兗州刺史大明元年入為行中四年出為湘州刺史加號平南將軍八年遷使持節督江州南豫州之晉熙新蔡郢州之西陽三郡

將軍江州刺史遷統平西將軍置吏大明二年徵為
散騎常侍中書令領驍騎將軍給鼓吹一部又出為
南豫州刺史

晉惠王和文帝第九子世祖踐祚自太宰出為東中
郎將會稽太守監會稽東陽臨海永嘉新安五郡諸
軍事孝建元年立東揚州拜昶為刺史大明中都督
豫章陳史西陽豫州之新蔡晉熙二郡諸軍事前
梁南北秦四州諸州之京剡剡二縣諸軍事寧遠
越東越二縣太守出越京口卒戡元平蠻林積望
元昌中武安帝第十子率抗淮並外並實諸軍事

册府元龜

淮南李嗣京參閱

西極文翔鳳訂正

豫章黃國琦較釋

宗室部

領鎮第二

宋始安王休仁文帝第十二子孝建三年都督南交
徐二州諸軍事冠軍將軍兗州刺史大明元年入為
侍中四年出為湘州刺史加號平南將軍八年遷使
持節督汀州南豫州之晉熙新蔡郢州之西陽三郡

諸軍事安南將軍江州刺史未拜前廢帝景和元年
遷使持節都督雍梁南北秦四州諸軍事安西將軍
寧蠻校尉雍州刺史未之任留爲散騎常侍護軍將
軍太宗立以爲使持節侍中都督揚南徐二州諸軍
事司徒尚書令揚州刺史薛安都據彭城招引後魏
復都督北討諸軍事時豫州刺史殷琰據壽春未平
晉平王休祐先督征討諸軍事休祐出領江陵休仁
又代督西討諸軍事泰始五年進都督豫司二州休
仁子伯融歷南豫州刺史琅邪臨淮二郡太守寧朔
將軍廣州刺史不之職

晉平剽王休祐文帝十三子大明元年領長安較尉
遷東揚州刺史未拜徙湘州刺史加號征虜將軍四
年爲使持節都督豫司二州南豫州之梁郡諸軍事
右將軍豫州刺史明帝定亂以爲使持節都督荆湘
雍益梁寧南北秦八州諸軍事驃騎大將軍荊州刺
史改都督江郢雍湘五州江州刺史又改都督江南
豫司州南豫州刺史又改都督豫江司三州豫州刺
史時豫州刺史殷琰據壽春反叛休祐出鎮歷陽督
劉劭等討琰琰未平劭築長城守之休祐復徙都督
荆湘雍益梁寧南北秦八州諸軍事荊州刺史泰始

六年徵爲都督南徐南兗徐兗青冀六州諸軍事南徐州刺史加侍中帝以休祐貪虐不可蒞民留之京邑遣上佐行府州事

休祐子宣翊爲寧朔將軍湘州刺史未拜免

海陵王休茂文帝第十四子大明二年以爲使持節都督雍梁南北秦四州郢州之竟陵隨二郡諸軍北中郎將寧蠻較尉雍州刺史

桂陽王休範文帝第十八子大明三年出爲江州刺史明帝定亂以爲使持節都督南徐州未拜以驃騎大將軍遷爲江州進督越州諸軍事

巴陵哀王休若文帝第十九子大明四年出爲都督徐州諸軍事增督豫州之梁郡明年徵爲散騎嘗侍左右郎將吳興太守復徵爲散騎嘗侍明帝秦始元年出爲使持節都督會稽東陽永嘉臨海新安五郡諸軍事領安東將軍會稽太守率衆東討進督吳興晉陵二郡進號衛將軍給鼓吹一部又進督晉安二郡諸軍事二年遷督雍梁南北秦四州荊州之竟陵隨二郡諸軍事寧蠻較尉雍州刺史四年遷使持節都督湘州諸軍事進號征南將軍湘州刺史仍爲都督荆湘雍益梁寧南北秦八州諸軍事征西將軍荆

州刺史六年荊州刺史晉平王休祐入以休若監荊
州事進號征南將軍湘州刺史仍爲都督荆湘雍益
梁寧南北秦八州諸軍事征西將軍荊州刺史七年
被徵代休祐爲都督南徐南兖徐青冀六州諸軍事
征北大將軍南徐州刺史

豫章王子尚孝武帝第二子孝建三年都督南徐南
兖二州諸軍事北中郎將南兖州刺史其年遷揚州
刺史大明二年加撫軍將軍三年浙江西立王畿以
江東爲揚州子尚都督揚州江北之鄱陽晉安三郡
諸軍事揚州刺史五年改封豫州領會稽太守七年

加使持節前廢帝即位罷王畿復徵子尚都督揚南
徐二州諸軍事領尚書令解督東揚州

晉安王子勛孝武帝三子大明四年都督南兖州徐
州之東海諸軍事征虜將軍南兖州刺史七年改督
江州南豫州之晉熙新蔡鄧州之西陽三郡諸軍事
前將軍江州刺史八年遷使持節都督雍梁南北秦
四州鄧州之竟陵隨二郡討軍事諸鎮軍將軍寧蠻
較尉雍州刺史未拜以鎮軍將軍還爲江州景和元
年加使持節

松滋侯子房孝武第六子永光元年自宣城太守遷

東陽州刺史景和元年罷東陽州子房以本號督會稽東陽新安臨海永嘉五郡諸軍事會稽太守明帝即位改督爲都督進號安東將軍

臨海王子頊孝武第七子大明五年自吳興太守遷使持節都督廣交二州湘州之始興始安臨賀三郡諸軍事征虜將軍平越中郎將廣州刺史未之鎮徙荆州刺史廢帝即位以本號都督荆湘雍益梁寧南北秦八州諸軍事刺史如故明帝即位解督雍州以爲鎮軍丹陽尹尋留本任進督雍州

始平孝敬王子鸞孝武第八子大明五年自吳郡太

守遷北中郎將南徐州刺史領南琅邪太守六年加都督南徐州諸軍事八年加中書令領司徒前廢帝即位解中書令領司徒加持節之鎮
末嘉王子仁孝武第九子大明五年年五歲監雍梁南北秦四州之竟陵隨二郡諸軍事北中郎將寧蠻較尉雍州刺史遷東中郎將吳郡太守六年又遷丹陽尹前廢帝即位加征虜將軍領衛尉尋出爲左將軍南兗州刺史景和元年遷南徐州刺史泰始中四方平定以爲使持節都督湘廣交三州諸軍事平南將軍湘州刺史

始安王子真孝武第十一子大明七年自吳興太守遷使持節監廣交二州始興始安臨賀三郡諸軍事平越中郎將廣州刺史不之鎮遷征虜將軍南彭城太守領石頭戍事景和元年爲丹陽尹尋爲南兖州刺史

邵陵王子元孝武第十三子景和元年出爲湘州刺史

晉熙王燮明帝第六子元徽元年年四歲以爲使持節監郢州豫州之西陽司州義陽二郡諸軍事征虜將軍郢州刺史以黃門郎王真爲長史摠府州之任

明年太尉江州刺史桂陽王休範舉兵逼朝廷燮遣中兵參軍馮景祖襲尋陽休範留中兵參軍毛惠連州別駕程罕之居守開門詣景祖降進燮號安西將軍加督江州諸軍事四年又進燮鎮西將軍加鼓吹一部順帝即位徵爲使持節督揚南徐二州諸軍事撫軍將軍揚州刺史先是齊世子蕭順爲燮安西長史行府州事時亦被徵爲左衛將軍與燮俱下會荊州刺史沈攸之舉兵反世子因奉燮鎮尋陽之益城據中流爲內外形援攸之平燮還京邑齊王蕭道成爲徐州燮解督南徐進督南豫江州諸軍事號中軍

將軍開府儀同三司

邵陵殤王友明帝第七子元徽二年年五歲出爲使持節督江州豫州之西陽新蔡晉熙三郡諸軍事南中郎將江州刺史順帝即位進號左將軍改爲郡都督昇明二年徙都督南豫司三州諸軍事安南將軍南豫州刺史歷陽太守

武陵王贊明帝第九子元徽四年出爲使持節南徐兖青冀五州諸軍事北中郎將南徐州刺史順帝昇明元年遷持節督郢州司州之義陽諸軍事前將軍郢州刺史二年爲沱攸之所圍徙都荆湘雍益梁寧

南北秦八州諸軍事安西將軍荊州刺史攸之平乃之鎮

隨陽王勰明帝第十子昇明元年爲使持節督郢州司州之義陽諸軍事西中郎將郢州刺史未拜徙督湘州諸軍事南中郎將湘州刺史

南齊豫章文獻王嶷太祖第二子太祖爲宋相嶷出鎮東府加冠軍將軍出爲使持節都督江州豫州之新蔡晉熙二郡軍事左將軍江州刺史徙都督荆湘雍益梁寧南北秦八州諸軍事鎮西將軍荆史刺史持節太祖即位遷侍中尚書令都督揚州南徐二州

諸軍事驃騎將軍開府儀同三司揚州刺史會北邊騷動帝思爲經略乃詔曰神牧揔司王畿誠爲治要荆楚領馭遐遠任寄弘隆自頃公私彫盡緩撫之宜尤重嘗曰復以爲都督荆湘雍益梁寧南北秦八州諸軍事南蠻較尉荆湘二州刺史入爲都督楊南徐三州諸軍事中書監司空揚州刺史

臨州獻王映太祖第三子宋末沈攸之事難作太祖時領南徐州以映爲寧朔將軍鎮京口事寧除淮南宣城二郡太守並不拜仍爲假節都督南兗徐青冀五州諸軍事行兗州刺史後爲冠軍將軍南兗州刺

史太祖踐祚以映爲使持節都督荆湘雍益梁寧南北秦八州諸軍事平西將軍荊州刺史又領湘州刺史不行改授散騎常侍都督楊南徐二州諸軍事前將軍楊州刺史出爲都督荆湘雍益梁巴寧南北秦九州諸軍事鎮西將軍荊州刺史

長沙威王晃太祖第四子宋順帝昇明二年自寧朔將軍淮南宣城二郡太守遷爲持節監豫司二州之西陽諸軍事西中郎將豫州刺史尋遷使持節都督南徐兗二州諸軍事後將軍南徐州刺史世祖加晃鎮寧將軍轉丹陽尹

武陵昭王暉太祖第五子建元三年出爲持節都督會稽東陽新安永嘉臨海五郡軍事會稽太守世祖以暉爲江州刺史又爲丹陽尹

成安恭王暕太祖第六子建元二年除冠軍將軍鎮石頭戍領軍事四年出爲使持節督江州豫州之晉熙諸軍事南中郎將江州刺史永明二年爲南徐州刺史九年遷散騎嘗侍秘書監領石頭戍事

鄱陽王鏘太祖第七子建元四年世祖即位以鏘爲使持節督雍梁南北秦四州荊州之竟陵司州之隨郡軍事北中郎將寧蠻校尉雍州刺史七年轉征虜

將軍丹陽尹尋加散騎嘗侍特進號撫軍出爲江州刺史九年始親府州事加使持節督江州諸軍安南將軍

桂陽王鑠字宣朗太祖第八子永明二年出爲南徐州刺史鎮京口歷代鎮府鑠藩始省軍府

始興簡王鑑太祖第十子永明二年世祖始以鑑爲持節都督益寧二州軍事前將軍益州刺史八年進號安西將軍明年爲散騎嘗侍秘書監領石頭戍事衡陽王鈞太祖第十一子出繼元王道度永明四年爲江州刺史累遷左衛將軍爲世祖所知兄弟中意

遇次鄱陽王鏘十年轉中書令領石頭戍事

江夏王鋒太祖第十二子永明七年自輔國將軍南
彰城王平二郡太祖遷左衛將軍仍轉侍中領石戍
事九年出爲徐州刺史

南平王銳太祖第十五子永明十年出爲持節都督
湘州諸軍事南中郎將湘州刺史

宜都王鑑太祖第十六子永明十一年爲持節都督
南豫司二州軍事冠軍將軍南豫州刺史

晉熙王鈔太祖第十八子隆昌元年出爲持節都督
郢司二州軍事冠軍將軍郢州刺史

河東王鉉太祖第十九子隆昌元年爲驍騎將軍出
爲徐州刺史

竟陵文宣王子良世祖第二子宋末昇明三年爲使
持節都督會稽東陽臨海永嘉新安五郡輔國將軍
會稽太守太祖建元三年穆妃薨去官仍爲征虜將
軍丹陽尹世祖即位以爲使持節都督南徐兗二州
諸軍事鎮北將軍南徐州刺史永明元年徙爲侍中
都督南兗徐青冀五州征北將軍南兗州刺史持節
如故明年入爲護軍將軍兼司徒鎮西州十年領尚
書令尋爲使持節都督揚州諸軍事揚州刺史隆昌

元年進督南徐州

廬陵王子卿世祖第三子世祖即位爲使持節都督
郢州司州之義陽軍事冠軍將軍郢州刺史末明元
年從都督荆湘益寧梁南北徐七州安西將軍荊州
刺史十年遷使持節都督南豫司三州軍事驃騎將
軍南豫州刺史

魚復侯子響世祖第四子末明三年自輔國將軍南
彭城臨淮二郡太守遷使持節都督豫州郢州之西
陽汝南二郡軍事冠軍將軍豫州刺史四年進號右
將軍進督南豫州之歷陽淮南潁川汝陽四郡尋出

爲江州刺史七年遷使持節都督荆湘雍梁南寧北

秦七州軍事鎮軍將軍荊州刺史

安陸王子敬世祖第五子末明二年出爲持節監南
兖州軍事平西將軍荊州刺史十年轉散騎常侍撫
軍將軍丹陽尹隆昌元年遷使持節都督南兖徐
青冀五州征北大將軍南兖州刺史

晉安王子懋世祖第七子末明三年爲持節都督南
豫豫司三州南中郎將豫州刺史魚復侯子響爲豫
州子懋解督四年進號征虜將軍南豫新置方役寡
少加子懋宣城太守五年爲監南兖徐青冀五州

軍事後將軍南兖州刺史六年徙監湘州平南將軍
 湘州刺史明年加持節都督八年進號鎮南將軍九
 年親府州事十一年為使持節都督雍梁南北秦四
 州鄧州之竟陵司州之隨郡軍事征北將軍雍州刺
 史隆昌元年為都督江州刺史

隨郡王子隆世祖第八子永明三年自輔國將軍南
 琅邪彭城二郡太守遷江州刺史未拜遷持節都督
 會稽東陽新安臨海永嘉郡東中郎將會稽太守八
 年代魚復侯子響為使持節都督荆雍梁寧南北秦
 六州鎮西將軍荊州刺史其年始興王鑑罷益州進

號督益州九年親府州事

建安王子真世祖第九子永明四年自輔國將軍南
 琅邪彭城二郡太守遷持節都督南豫司二州軍事
 冠軍將軍南豫州刺史領宣城太守進號南中郎將
 七年進號右將軍遷卅陽尹出為持節都督郢司二
 州事平西將軍鄧州刺史
 西陽王子明世祖第十子永明六年為持節都督南
 兖交徐青冀五州軍事冠軍將軍南兖州刺史十年
 遷左將軍督會稽東陽臨海永嘉新安五郡軍事會
 稽太守

南海王子罕世祖第十一子末明六年爲北中郎將
南琅邪彭城二郡太守帝初以白下地帶江山徙琅
邪郡自江金城治之子罕始鎮此城十年爲持節督
南兖兖徐青冀五州軍事征虜將軍南兖州刺史
巴陵王子倫世祖第十三子末明七年爲持節督南
豫司二州軍事南中郎將南豫州刺史十年遷北中
郎將南豫刺史二郡太守

始安王暹光太祖次兄貞王道度之孫明帝欲即位
誅賞事唯暹光共謀議建武元年以爲持節都督揚
南徐二州諸軍事前將軍揚州刺史無子以江陵公

寶覽爲後末元二年爲持節督湘州輔國將軍湘州

刺史

暹光弟暹欣延興元年明帝樹置以暹欣爲持節督
兖州緣淮軍事寧朔將軍兖州刺史仍爲督豫州之
西陽司州之汝南二郡輔國將軍豫州刺史未之任
建武元年進號西中郎將遷使持節督荆雍益寧梁
南北秦七州軍事右將軍荊州刺史明帝子弟弱小
晉安王寶義有廢疾故以暹光爲揚州居中暹欣居
陝西在外權勢并在其門四年進號平西將軍末泰
元年以雍州魏兵至詔暹欣本官領刺史寧蠻較尉

移鎮襄陽魏兵退不行遙欣弟遙昌延興元年除黃門郎未拜仍為持節督郢司二州軍事寧所將軍郢州刺史徙督湘州郢州之西陽司二州之汝南二郡軍事征虜將軍豫州刺史

桂陽王昭粲文惠太子第四子鬱林王立以皇弟封永嘉郡王南徐州刺史延興元年出為使持節都督荆雍益寧梁南北秦七州軍事西中郎將荊州刺史安陸昭王緬明帝弟末明二年自太子詹事出為會稽太守遷使持節都督雍梁南北秦四州竟陵司之隨郡軍事左將軍寧蠻較尉雍州刺史

緬子寶聖嗣安陸王為持節都督湘州軍事輔國將軍湘州刺史

巴陵王昭秀文惠太子第三子隆昌元年為使持節督荆雍益寧梁南北秦七州軍事西中郎將荊州刺史

巴陵隱王寶義明帝長子建武元年為持節都督揚南徐州軍事前將軍揚州刺史寶義少有廢疾故止加除授仍以始安王遙光代之轉寶義為右將軍領兵置佐鎮石頭二年出為使持節都督南徐州軍事鎮北將軍南徐州刺史東昏即位進征北大將軍始

安王暹光誅為都督揚南徐二州軍事驍騎大將軍
楊州刺史

江夏王寶玄明帝第三子建武元年為征虜將軍領
石頭戍事為持節都督鄆司二州軍事西中郎將鄆
州刺史永泰元年還為前將軍領石頭戍事未拜永
明元年進軍騎將軍代晉安王寶義為使持節都督
南徐兖二州軍事南兖徐二州刺史

廬陵王寶源明帝第五子建武元年為北中郎將鎮
琅邪城遷右將軍領石頭戍事仍出為使持節都督
南兖兖徐青冀五州軍事後將軍南兖州刺史徙為

都督會稽東陽臨海永嘉新安五郡軍事會稽太守
鄆陽王寶寅明帝第六子建武二年為北中郎將鎮
瑯邪城明年出為持節都督江州郡事南中郎將江州
刺史東昏即位為使持節都督鄆司二州軍事征虜
將軍鄆州刺史永元二年徵為撫軍領石頭戍事未
拜三年為車騎將軍開府儀同三司鎮石頭和帝立
西臺以寶寅為使持節都督南徐兖二州軍事衛將
軍南徐州刺史少帝以為持節都督荆益寧雍梁南
北秦七州軍事荊州刺史
邵陵王寶攸明帝第九子建武三年為北中郎將鎮

瑯琊城末元元年爲持節都督南北徐兗青冀五州
軍事南兗州刺史未拜遷征虜將軍領石頭戍事丹
陽尹陳顯達平出爲持節督江州軍事左將軍江州
刺史

晉熙王寶嵩明帝第十二子末元二年爲冠軍將軍
丹陽尹仍遷使節督南徐兗二州軍事南徐州刺史將
軍如故

桂陽王寶貞明帝第十一子末元二年爲中譙軍北
中郎將領石頭戍事

1851